

مجموعه ابو الضحی

ماسوا شائبه سندن دلی تطہیرہ چالش
پر تو حکمت و عرفان الہیہ ترویج آتش

ہر ماہ عربی ابتدا سیدہ اون بشندہ نشر اول نور فنون مجموعہ سیدر .

جزو ۳۶ [فی ۱۵ جمادی الآخرہ سنہ ۱۳۰۰] نسخہ سی ۳ فروش

جنوه لیلرک منفعتیر سستلکده کی درجه لرینی تفهیم ایچسون دیر ایش که :
 « برجنوه لینک پنجره دن آشاغی آتلا دیغنی کوره چک اولورسه کز بلا
 خوف و توقف آردی صره سرده آتیلک ! چونکه لاقول یوزده بش
 کار واردر . »

مشهور روشفقول « قادیلر ایلاک محبتلرنده عاشق لرینی سورلر .
 لکن بو محبت کسب زوال ایتدکن صگره یالکز عشق سورلر . »
 دیر ایش .

قارنوالک اساس و مصدری

معلومدر که اقوام خرسستیایه هر سنه ات کسبی زماننده بیک
 درلو انجوبه قیافت و انواع تمسخر و رذالتله سوقاقلری طولاشیرلر .
 بودرلو مسخره لقارله الفت ایتماش اولان اقوام عنندنه غایت
 چرکین کورونمکده اولان بو عادتک بادی امرده ازمنه قدیمه جاهلیه
 بقیاسندن بولندیغنه حکم ایدیه بیلیرسه ده حقیقت حال بویه دکدر . زیرا
 اکثر اقوامده مشهود اولدیغنی اوزره ادیان پک چوق عاداته غلبه ایش
 و فقط بعض ادیانده بالتعذیل مظهر مساعدده اولان و خرسستیانلقده کلیسا
 اربابی طرفندن اتخاذ اولنان عادات کوکلنوب قالمشدر .

دیمک ایسترز که قارنوال دیلان عادت رذالت اشتمال خرسستیا .
 نالغک ظهورندن اول مرعی اولان عادات اقوامدن اولمش اولسه
 ایدی . شناعی میدانده اولان بویه برعادت سیئیه دین سیچک دخی
 اوائل ظهورنده مساع کوسستماسی ایجاب ایدردی . چونکه هیچ
 بر دین رذالتدن عبارت اولان برعادتی - هر نه مقصدله اولورسه
 اولسون - ایضا ایمن ؛ و فرضا دفعه ؛ و عاملاً القاسنده بعض محظور

مضالعه ايتسه بيله سقامتنى عقول سليمه اصحابى نظر نده اثبات ايدرك تدريجاً ابطال ايلر . بوكا ايتسه تاريخ اديانده بك چوق مثال بوله بيليرز .

حال بويله ايكن غريبدر كه قارناوال دنيلان عادت قبيحه نك منشأئى بولمق ايچون تاريخ اقوامه بدل كليسا تاريخنه مرجعت اقتضا اديور !

حقيقه عصر حاضر ده قارناوال كونلرنده كورلمكده بولنان بيك درلو رذائله امعان نظر اولنديغى حالده تحت تابعيتنده بولنان ملل و اقوام ايچون رهبر ادب و صلاح اولمى لازم كلان كليسانك بومثالو رذائلره منشأ ومصدر اوليشنه انسانك اينانميه جغى كلير . مع مافيه بوكا اعتماد ضروريدر .

اوانلده باسقاليا و اوقبيلدن اولان بعض بيوك يورطيلرده آيين دينى اولمق اوزره كليسالرده ايديلان رزالت بو كونكى كونده جارى اولسه ايدى ارباب عفت و ناموسك چهره سنى حيرت حجاب استيلا ايلر ايدى .

قارناوالك اساسنه وصول ايچون ميلادك قرن خامسنه طوغرى عطف نظر اينك ايجاب ايدركه كليسالرده « صوت ياريلق آيى » نامنده كى آيين قبيح او عصرده اجرا ايديلر ايدى . حتى اعزه نصارا . دن [سن - او كوستن] ك آيين مذكور حقنده مؤاخذات شديده ده بولنده . يغى كليسا تاريخنده محرر اولديغى كى ۶۳۳ سننه ميلاديه سنده [تولدو] شهرنده عقد اولنان برقونسيل (يعنى مجلس رهبان) دنى آيين مجوث عنهى قطعياً منع ايتش ايسه ده ينه اون آلنجى عصر ك واسطنه قدر دوام ايتشدر .

بو آيين رذالت قرين ابتدارده مناسقره و كليسالره مر بو ط

مکتبلر شاگردانه مخصوص ایدی . شاگردان بواقینی اجرا ایچون
 پینلرنده برینی بسقیوس نصب ایلر و دیگر لریده رهبانہ مخصوص اولان
 کسولری اکتسایده رک تشکیل ایتدکاری آلایلہ کلیسایہ دخول
 واوراده پاپاسلری تقلیداً اجرای آینه مباشرت ایدرلر ایدی . بوصرده
 (مس مقامنده) الفاظ غلیظه و مستحجنہ بی جامع اوله رق صورت
 مخصوصده نظم اولمش برطاقم شرقیلر اوقورلر ایدی کہ کلیسالرده
 اجرا اولنان آیین بر آیین دینی اولمقدن زیاده عادتاً ردیلانہ بر قومدیا
 صورتنی آلریدی . بودرلو ردائلره مشارکتی جانہ منت بیلان اوباشان
 مملکت ایسه کونا کون قیافت سخریه ایلہ شاگردان کروهنده التحاق
 ایدہ رک برلکده کلیسایہ داخل اولورلر ایدی .

مؤخرأ شاگردان بسقیوسی برینه «صوتیاری بسقیوسی»
 قائم اولدی . قادین ویا «پالیچو» قیافتند کیرن ویاخود اکثریا
 یوزلرینه سباعدن ایستمدکاری حیوانک صورتنده ماسقه قویان پاپاسلر
 عوام ناس پیننده زبازد اولان عادی و الفاظ مستحجنہ بی حاوی شر
 قیلرله ترنم و کوچکلر کی رقص ایدہ رک کلیسایہ داخل اولورلر ایدی !
 مزیح دنیلان و کلیسانک الک مقدس مقامی عد اولنان محالنده
 اجرای آیین ایلہ مشغول اولان پاپاسک یاننده برطاقم راهبلر سوچق
 چبقاروب برلر و برطاقی دخی اسقاندیل ویا زار ایلہ قار اوینار و بخور
 دانلغه کونلک برینه دری پارچه لر آتہ رق کندیلر نجہ محترم اولق
 لازم کلان آیینی بووجهله تزئیف ایدرلر ایدی .
 بودرلو مزیفانه تقلید اولنان آیینک ختامنده ایسه حاضر بولنان
 جماعت کلیسا دروننده صحرایوب اویناغه مباشرت و آداب عمومیه
 ایلہ هیچ بروقتده و هیچ برمندهده قابل توفیق اولمیان انواع تجاوزانه
 جرأت و بوحال سوفالره دخی سرایت ایتکلہ پاپاسلرک نسوان ویا
 دلبران مملکت ختمده کی تجاوزانه مشارکت ایتکده هوسکار اولان شهر

چاقىقلىرى دىنى مخصوصاً كىسوه رهاينده اتجا ايله بوجىخىنير رذالته
الحاقه مسارعت ايدرلر ايدى .

« فرانسيسكن » تعبير اولنان راهبلىر مخصوص بر مناسىرتده
كشوف اولنان برور قپارهده ذكر اولنان صويتارىلق آيىنى وجه آتى
اوزره تعريف اولمشدر :

« باش پاپاس ايله صره راهبلىرى يرينه افراد اهالىدن بر كروه
پاپاس قىياقتنى اكنسا ايله آيين محله كلسهرك صورتا اجراى آينسه
مباشرت ايدرلر ايدى . بوساخته پاپاسلر هر طرفى يرتيق وياخود ترسنه
چوريلش پاپاس ائوابى كيمش اولدقلىرى حالده كىتابلىرى ترس طوتار
وبرونلرينه جام يرينه پورتقال قابوغي بكييرلش كوزلىكلر طاقار
وبخوردانلرده كى كوللرى بربرلرنيك يوزلرينه اوغلر وياخود بخوردانلرى
يكديكرينك قفاسنه چاربار ودعا مقامنده ايسه بر طاقم كلمات مخرفه وبعنا
قرائت ايلر وحيوانات مختلفه صدالرينى تقليد و مركب كپى انكر اصوات
ايله صيحه ايدرلر ايدى . »

اشبو صويتارىلق آيىنى مرعى الاجرا طوتلديغى زمانلرده آشاغى
رتبه ده بولنان پاپاسلر پستوسلرك ويا آرشي پستوسلرك وشاكر دلر پاپاسلرك
يرينه قائم اولور ايدى . يعنى ادنا درجه يى حازر اولان صنف كنديسنىك
فرقنده كى صنفك زينه كيبر واوصنفك وظيفه سنى تقليد ايلر ايدى .

بوصويتارىلق آيىنى آلمانلرك ساكن اولدقلىرى ممالكدن زياده
ايتاليا وفرانسه واسپانياده جارى ايدى . هله روماده وناپوليده - كه
برى قاتوليك مذهبىك كرسيسى وديكرى او كرسىنىك عتبه سى حكمنده
ايدى . - هر برده كينك فوقنده بر درجه عظمى رذالته اجرا
ايديلردى .

بدنجى عصر ده اجتماع ايدن سالف الذكر تولدو قونسيملى
طرفندن اعلان اولنان و فقط اون عصر صكره حكمنه اتباع ايديلان

ممنوعیت کلیسایی بورذالتدن تطهیر ایش ایسده آتک یرینه [قارناوال] دیزلان عادت قبیحه قائم اولمشدر .

قارناوال طبع بشرده مرکوز اولان رذالتک برمثال اختیار یسیدر . قارناواللرده اصحاب ناموسدن یکینان برطاقم آدملرک اجرا ایلدیکی معایب و قبایحی مألوف اسانت و شاعت اولان ارباب رذالت بیله علفی اجرا ایده مز . بونلرک مدار استنادی ایسه چهره مستعار یسیدر . حال بوکه اورذالتی اجرا ایتدیرن حال اوچهره مستعار اولیوب کشینک طینت مجبوله سی اولدیغندن اگر برقارناوال ائساننده برحکومت مراق ایدوبده اومسخره لک یوزلنده کی نقابی برطرف ایده جک اولسه اصحاب ناموسدن شمار اولنان نیجه ذواتک فرصت اسیری برطاقم اشخاص قبایح شعار اولدیغنی بدیدار اولور .

حاصلی کلیسا تاریخی لکمدار ایدن مسخره اقی آیینک صورت اخراسی و یا نوع مدنیسی دیمک اولان شو قارناوال عادتق بونجه محاسنیه اعصار سالفه یه ادعای رجحانه استحقاقی مسلم بولنان اون طقوزنجی عصرده حالاجاری اولسنه و باخصوص تربیه زمانه عادت مجتو عنایه دها رذیلانه و فقط ظریفانه برمیدان وسیع رواج کشاد ایتکده بولسنه تأسف وحدود چیندن نهایت مشرقه قدر یربر موجود اولان اقوام اسلامیه آره سنده ایسه سابقاً و لاحقاً بودرلو حالات مسخره بولنمدیغنه تشکر اولنور .

§

کندینی بملز بعض مقلدان افرنجک بک اوغلی قارناوالچیلرینه تشبه و اورویایه کیدن بعض کبرازاده لک بوکبی مسخره قلری استحسن و تقلید ایتلری فی الحقیقه شایان تأسف حالادن ایسده برقاچ سفید بدبختک وجوددن ایکی یوز الی میلیون نفوسی شامل اولان ملت واحسده

معظمه نك شاننه تقیصه کلیه جکندن وعهد جلیل خلافتیناهیده اکتساب
حیات تازه ایدن تربیت اسلامیة سایه سنده اودرلو جهلانتك شرالخلف
یتشدرمکه موفق اوله یه جقلرندن امینز .

مطالعات حکیمیه

بر آدمك درجه ذكوت و فطانتی و یردیکی جوا بلردن زیاده
ایتدیکی سؤالردن آكلامق آساندر .

محاسن اخلاق سوء استعمال اولندیغی حالده ذمائم اخلاق قدر
تهلکه لی اولور .

صبر كافه ابوابك مفتاحی و هر درلو سینتك علاجی در .

نه وقتندن اول چالشمدلی نه ده وقتی استفاده سز یکیرمدلیدر .
اولکینسند انسان خام وایکنجینسند چوروك میوه دویشرمش اولور .

ای اولمغی ایستك ای اولمغه باشلامق دیمکدر .

فقیرل سعادتی ثروته کآن ایلدکلرندن، وزنکینلرایسه ثروته
سعادت بوله مدقلرندن هر ایکی طرفده بدبختدرلر .